



經集

詩

風雅  
擬古樂府  
五言古  
七言古  
五言律  
五言排律



服部文庫  
117  
725  
/



119  
725  
1

徂徠先生集序

徂徠先生集將梓行焉其  
門人告曰刻成請公序之  
忠統曰不辭非道辭亦非  
道也今夫追憶往昔先生  
於我不以我不才以為可

教昔嘗我之所為苟有可  
取則欣然極口曰開元天  
寶之氣格漢文辭勸一勵  
百蓋亦進之也若或不然  
則亦循循焉不倦唯恐其  
退博我約我無所不至其


教育如此其切親睦如此  
其厚而猶不能啓發焉至  
今業之不成我之罪爾今  
使我為之序辟如以駑蹇  
之駒啓行千里力已不達  
不達不明夫明者文之德

也達者文之用也用德不  
備將如之何且此不朽大  
事不可不慎苟知其不備  
僭以為之寧不愧於心哉  
此余所以辭焉也門人曰  
不然先生恆以公為吾黨

冠飾况乃公之篤好斯文  
至今不衰亦非其遺志乎  
迺公何辭焉詩云經之營  
之不日成之公何辭焉余  
謂先生已以文學振名天  
下則受業諸子已大鳴之

今此集行也我才不才固  
無益損於先生之德且觀  
此集先生平日切厚於我  
之言具存焉則辭亦非道  
也於是獨言我雖不才至  
于先生之教於今不敢自

棄以為之序元文改元之  
夏滕忠統撰



烏石涼君嶽書



徂徠集總目錄

卷之一

風雅一首

擬古樂府十四首

四言古一首

五言古十首

七言古三十一首

卷之二

五言律百二十四首  
五言排律十首

卷之三

七言律七十九首

卷之四

七言律五十七首

七言排律二首

五言絕句二十九首

卷之五

七言絕句百十六首

卷之六

七言絕句八十七首

卷之七

七言絕句百十八首

卷之八

序十一首

卷之九

序十一首

卷之十

序十首

卷之十一

序七首

卷之十二

論一首

紀事三首

卷之十三

記十一首

卷之十四

贊九首

銘五首

碑誌九首

卷之十五

紀行三首

卷之十六

說十三首

贈言四首

卷之十七

雜文十二首

卷之十八

雜文五首

卷之十九

雜文二十二首

卷之二十

書牘四十一首

卷之二十一

書牘五十三首

卷之二十二

書牘四十八首

卷之二十三



書牘十首

卷之二十四

書牘十五首

卷之二十五

書牘二十三首

卷之二十六

書牘十二首

卷之二十七

書牘十八首

卷之二十八

書牘八首


卷之二十九

書牘二十五首


卷之三十

書牘二十一首

補遺



徂徠集總目錄終



徂徠集卷之一

物茂卿著

風雅一首

斗之魁 有序

屈君君燕既造予。求和魁星詩。予謝不敏。不可具言其大孺人所囑乃在予也。既已下世。無所復命。因泣簌簌下弗已。予識其孝也。屈在洛為名家。自其曾祖杏庵先生受經于歛夫。驟公四世于今。箕裘百年。弗墜其緒。書香

行從集 卷之一  
馥郁吁亦盛矣。予幼聞杏庵先生于先大夫。迨見君燕温恭謙抑。一如所聞。何其流風餘韻猶尚弗渝。乃爾聞大孺人明詩閑禮。旁通女史。意者內助所致。弦誦弗衰。世濟其賢。可以知己。魁星象乃其家古物。大孺人崇奉之有年。自謂家世文學之祥矣。徧丐諸名勝詩之。夫婦人佞佛。此方殊甚。彌陀觀音。家家而塑。是能識魁星爲何物哉。乃大孺人能識之。且其父家世所稱河村氏者。以豪富名海內。乃洗習紈袴。折節讀書。其在大孺人。足爲賢

已大孺人既已下世。唯其所崇奉在焉。是在君燕羹墻之思。其謂之何。昔者大孺人在堂。今也在天。魁星在天。今尚在其堂。我悲君燕之心矣。予之不能固卻其請也。作斗之魁四章以貽之。

斗之魁煌煌。其旋有常。母也在天。維我心之彷徨。  
斗之魁建兮。于輟我讀。有母之訓兮。俾我不能息兮。  
斗之魁建兮。夜旣曙兮。于牽我車。趨其君所。  
弗墜其業。弗痠其仕。母邪魁邪。于我何有哉。

斗之魁四章章四句

擬古樂府十四首

悲歌

晚食可以當肉。徐步可以當車。優游若斯。爲何不娛。欲鼓瑟無絃。欲吹笙無簧。心中有所思。悲歌祇自傷。

前緩聲歌

海中之山。必有不死之草。佩之不病。嗅之不老。自非仙人王子喬。求之安可到。當復思東海之水。必有西激之波。縱使可往。安有事於峩舸。長笛唱短笛和。願君飲美酒且聽歌。

烏生八九子

烏生八九子。端坐秦家桂樹枝。惜我秦氏家有美麗好女。工用雙孔針。五色絲。持針爲人刺嫁衣。仰視烏嘆咨。惜我顏色。卽醜勝汝姿。汝飛任意遊。遨求妃。阿母生阿女時。欲與貴人奇此女。惜我貴人。安知阿女處。閨房窈窕。安從通。青雀乃在崑崙玄圃中。漢天子尚復得媒介之。惜我簫史仙。仙雲霄間。弄玉尚復得追隨之。神君乃在竹宮帷帳中。阿母尚得神君語。惜我人民生。各各有歡娛。愁苦何須計。較早暮。

安東平 五首

淒淒涼涼。白露爲霜。行者不住。居者悲傷。

仁德集 卷之一  
吳中春酒。旨甘芬冽。我有一石。爲郎作別。  
土產物微。儂爺所釀。餘有三斗。爲郎別醬。  
青綠金尊。以奉故友。不持作好。與郎爲壽。  
東平劉生。太解人情。與郎對酌。冀以延齡。

關山月 二首

萬里關山月。不謂似故鄉。故鄉空閨女。獨夜織流黃。  
如何機中影。一似塞上霜。  
中閨夜夜月。不須照妾顏。顏色看已改。妾夫殊未還。  
願將妾心去。憑君照關山。

有所思

冉冉白日徂。坐看庭草滋。朔風吹我裳。嘆息歲暮時。  
人生自有老。老至亦何悲。富貴儻爾來。榮名非可持。  
置酒高堂上。聊以娛佳期。秦箏間胡笳。嘈雜侑我卮。  
酒酣淚如霰。君子有所思。良朋滿四坐。此悲少人知。  
當窻織

春江花月夜

人道春江好。春江况月明。林花岸上發。仙桂波中生。  
搖動花兼月。影香清且輕。初疑美人面。照見髻花橫。

又訝嫦娥鏡。冶容誰爲情。笑壓眉微啓。媚灑盈盈。江月看將上。江潮漸已平。江樹轉璀璨。繚亂雨瓊英。昔聞月中桂。託根白玉京。縹緲飛仙藥。落水寂無聲。依稀漢浦女。羅韞波上行。解佩珠徑寸。光彩令人驚。今我非交甫。惆悵岸雞鳴。江月忽不見。江花無常榮。唯有江潮水。依舊繞江城。

昭君怨出於陳後主卑爾不可擬矣

男子事遠征。異方使人悲。而况漢家女。嫁爲單于妻。寢處穹廬中。漣酪匪所宜。解髻辮其髮。蒙以貂狗皮。關氏雖云貴。寧有昔日姿。嫫侍雖云衆。人面而獸嘶。

胡笳來相慰。嘈嘈曷可知。皚皚陰山麓。冥冥瀚海湄。故鄉不可望。浮雲邈相依。忽眺鴻雁起。中心安能持。慙生爲異類。徒死竟爲誰。矢我家上草。庶以表心期。

四言古一首

猗蘭騰侯將戍洛陽城臨發置酒分十二體

侯將西征。駕言逡巡。置酒中堂。大會衆賓。九醞泠泠。百壺吐芬。野魚玄羽。澤臞頰鱗。爵觥相屬。匏竹雜陳。侯廼鼓瑟。流眄高旻。影習白雪。窈眇陽春。含宮調角。和者七人。上薄建安。嘉萬胡倫。漆翰興文。一何紛員。侯其奚往。清洛之濱。崇城有屹。材官如。豈無風流。

名德集 卷之一 五  
帝里在鄰。豈乏晤言。簪纓稱臣。知音者稀。落落孰親。  
爲之忼慨。悲歌激塵。滄海忽湧。白日欲淪。俟其往哉。  
前車粼粼。千里匪遠。暮月維新。珍重加餐。及瓜之辰。

五言古十首

擬公燕詩二首

青陽蕩和氣。好鳥嚶其鳴。公子有所思。置酒會友生。  
尊壘湛且美。嘉肴紛從橫。座中多貴客。隨風飛羅纓。  
摘詞何翩翩。藻思逐翰生。宴酣出歌者。皓齒發清聲。  
舞袖綺以繁。餘姿一含情。絃管相間作。鏘鏘和竽笙。  
爲樂正如此。羽觴行無停。華燈繼白日。庶以及芬芳。

明月揚素暉。臨此西掖垣。綺樹鬱相樛。枝柯一何鮮。  
葳蕤發朱華。紛披映文漣。輕焱起中流。方舟且留連。  
飛蓋集高堂。張鐙照長筵。主人不知疲。座客盡豪賢。  
言論間善謔。行栝屬雄篇。各有金石響。歌之被管絃。  
激烈令人悲。颯沓答潺湲。爲此長嘆息。嘉會古所難。  
努力副盛德。不醉永無旋。

古風二首送琴鶴丹戾之國

常山何嵯峨。白雲何盤桓。俄爾盈山谷。皎若素與紈。  
徘徊如有意。乘風去復還。仙人王子喬。相逢何迺難。  
使君走馬去。顧我喟以歎。歲月不我與。孰能保紅顏。

臥閣山之麓。拄笏望其巔。縹緲發玉笙。坐令白日寒。  
 一夜泣仙靈。二年來鳳鸞。我病不能從。涕淚空汎瀾。  
 常山何巖巖。松柏何青青。鬱鬱千年物。其下有茯苓。  
 皎瑩若凝脂。宛成白兔形。使君有仙骨。獲之可長生。  
 迺駕山上雲。飄游帝之庭。玉女粲以視。揖君酌九醞。  
 大張鈞天樂。笙管何泠泠。群仙醉相藉。三年不得醒。  
 能偷發金錄。為我問歲星。一謫苦為爾。何以歸玉京。

贈吉臣哉從府主協衛駿陽城十四韻

媚哉芙蓉色。娛余千里目。悠然迺西顧。揚擘歌自屬。  
 白雪一何鮮。白雲一何縟。羨爾忽行邁。振策指其麓。

豈無同行士。千騎道路側。繡弧間畫矛。煌煌耀南服。  
 子獨慕名山。富貴非所欲。雖有簿書絆。心曠不成束。  
 時了案牘暇。憑高一寓矚。仙掌如見招。玉女粲曼睅。  
 爾欲往從之。豈無飛黃鵠。石髓倘或逢。永辭世氛濁。  
 憐我平生好。每飯在鉅鹿。憑君泚綵筆。題名列仙錄。

古風五解送縣次公還鄉

遠道三千里。所歷鬱糾紛。名山與大澤。況復出白雲。  
 白雲巧虧蔽。何以能望君。一解君行從五馬。道路有  
 輝光。君歸還鄉里。妻孥樂一堂。君行誠不惡。居者徒  
 悲傷。二解我無黃鵠翼。安能從君游。君馬嘶西風。徘徊



徊不能留。人生都如此。誰抱千秋憂。三解去矣策君  
 馬。北上岐嶒巔。回顧中原色。芙蓉高燭天。是我送君  
 意。皎皎遙為懸。四解艤舟廣陵渚。君亦援瑤琴。聽濤  
 寫妙散。微我孰知音。贈我非此物。何以慰我心。五解

七言古三十一首

浪淘沙詞

青樓十二是儂家。下瞰大江浪淘沙。淘去郎恩海還  
 淺。淘來郎恩山更加。淘去淘來無定處。誰知儂意亂  
 如麻。

邊馬有歸心

烽火夜連碣石間。將軍萬馬下榆關。銀鞍錦韉黃金  
 勒。驪駉駉雲作斑。道是毛龍悉龍種。天閑馴養承  
 帝寵。春來鹵簿向長楊。躑躅春風艸茸茸。秋日駕臨  
 大液池。月明鬢鬣映漣漪。出聽仰秣偕魚樂。法曲簫  
 韶夜奏時。急報犬羊塞上群。維皇赫怒掃胡氛。併將  
 六郡良家子。驅空天閑付將軍。將軍膽略故亾論。六  
 郡材官皆孟賁。況是渥洼本神物。要當有意答皇恩。  
 金止鼓行遵約束。斂蹄結舌氣明肅。垂鞭纔動電飛  
 揚。踰塊歷都窮逐北。揮霍奮迅蹄似霜。跳騰百尺蹴  
 名王。須臾大漠血翻海。汗血跨來轉有光。照耀路傍

白草紅移師旋向陰山東。橫行到處無人影。凜冽陰  
 森鳴朔風。君不見交河水。雪踏成橋。風閃大旌凍不  
 飄。又不見十萬如蠟指。欲墮馬頭亂雪拳毛顆。此時  
 何處黃鬚兒。乘曉胡笳悲似啼。有情何月不淒絕。解  
 語便當唱歸兮。三軍壯士目相視。忽聞萬馬齊聲嘶。

麗奴戲馬歌

高句麗北與胡鄰。產馬驍騰似其人。歲時國王修朝  
 聘。迺貢良馬隨國臣。從行麗奴善戲馬。輕便閑習莫  
 若者。西城門外揚子干。一時爭覩傾朝野。知有法  
 駕御樓視樓上珠簾半捲起。天威不言秋嚴肅。千

人萬人屏息竦。校尉直前麾白扇。電光一閃飛匹練。  
 馬疑游龍人訝鳥。步驟馳騫極八變。邪看挺身立鞍  
 頭。黑風吹檣舟如箭。須臾翻轉脚朝天。譬諸蚩蚩吻銜  
 樓巔。坐臥亾論穩牀第。倒垂何敢擬渴猿。渴猿據樹  
 樹不動。蓬萊纔動位神仙。看佗馬飛人自若。笠上耽  
 飄颻。颻然左右七步不容瞬。或跨雙龍類比肩。八變  
 將畢。天意怡。遙聞歡雷隱城雉。倏忽冲空人仙去。  
 只見千頭鞍馬馳。眾人愕眙都罔措。神滅鬼沒那得  
 知。有物翩然出馬腹。振衣還向御前趨。氊笠胡服  
 熟視是。始悟技盡有餘奇。贊歎聲不絕。賞賜應無貲。

麗奴時鞠躬。再拜敬致辭。賤技何足言。文武兩無裨。  
君不見箕子。吾邦祖來賓。周室朝京師。兩驂兩服乘。  
殷輅和鸞鏘鏘。有威儀。舞交衢。逐水曲。此技何爲乎。  
此時又不見。豐王十萬兵。叱吒風雷度大瀛。二都決。  
旬拔八道三月平。此技祇云奔。亾資難與堂堂陣爭。  
衡。皇和今值。仁明君百年昇平。息戰氛。交鄰柔。  
遠賴有道。不厭航海梯山勤。遐方小人伴長官。聊以。  
賤技娛。玉顏萊舞巴歛。自古賞魚龍。曼衍至今觀。  
何妨千秋又萬載。持此長奉。君王歡。

風月樓歌爲井君賦

風月之樓何朗廓。風月之懷何灑落。誰其爲之井伯。  
氏能雅能俗。百無惡。或可以集繁華子。歌風燕月轉。  
綽約。或可以會寂寥人。嘯月吟風。不落莫繁華子寂。  
寥人。掩映風月各精神。總爲東道擅光霽。往來集會。  
不厭煩。我也登此積雨餘。點埃不起暑氣無。有風拂。  
拂從南來。倚檻披襟叫快哉。濕雲鬱靄崢嶸失。青山。  
赤阪參差出。樓中器皿競鮮明。樓外景象鬪蕭瑟。是。  
日同游誰在座。高僧快士四五箇。華音倭語善戲謔。  
唐詩梵偈巧唱和。譚罷玉塵助風威。揮來綵毫勢欲。  
飛。金叵羅裏吹醺醺。石鷓鴣邊送馥馥。風月之懷風。

行錄 卷之一 十一  
月樓雅俗衆賓共自由。風月之樓風月懷。主人雅俗  
兩相諧。祇恨主醉客散去。只得清風半樓趣。緣何更  
卜明月夜。乞取殘興爲我補。

墨牡丹

高僧說法感諸天。雨花亂墜從四禪。欲墜不墜半空  
舞。影落丈室明窻前。時出神通能護持。留在紙上長  
鮮妍。細看非空還非色。花王相好具儼然。穠艷兼存  
瀟灑意。富貴何求世俗憐。始知魏紫姚黃外。別有宗  
門臨濟玄。

古意

漢家樓臺十二重。上有僊人玉芙蓉。金莖高竦雲霄  
外。斗杓傾酌天酒濃。五侯爭赴君王宴。車如流水馬  
如龍。學笙朝伴董雙成。聽歌夕宿許飛瓊。學笙聽歌  
無朝夕。自是君王醉不醒。未報集靈青鳥回。已傳昭  
陽赤鳳來。願教聖壽千萬歲。臣曹長保此樂哉。

贈海西慧通上人歌

海西高僧字慧通。衣鉢翩然來于東。迤爾索予文二  
篇。再拜出門又乘風。瓊浦西可窺月窟。日暮潮汐所  
汨沒。江城斫額望扶桑。日大如輪夜半出。中間道路  
三千里。不無名山與大水。母乃游歷便成娛。去來草

率何迺爾。自言高祖昭威君。靈燄乍發獲其境。少小  
受學華音者。思靖先生有遺文。通也雖身在空門。寧  
背祖德忘師恩。欲得片辭垂不朽。盈耳鳥言誰與論。  
忽聞子名心如火。及接子文珠雙顆。攜歸夜行烟無  
虞。生平志願成聖果。予聞此言三嘆息。勇猛若師真  
難得。誰謂釋氏無仁義。若師真足縫掖則。况又作詩  
追靈一。文章夙成似長吉。即色即空交精進。圓滿莊  
嚴。竦它日。祇憾一去杳無蹤。鴻飛冥冥白雲重。白雲  
重。冥鴻飛。嘆息世上若師稀。

倚蘭君侯將之國。就別予草堂賦此奉餞。

剪

古來能為布衣游。魏有信陵今豫侯。豫侯况復詩書  
敦。牛門何必讓夷門。門前五柳繫五馬。科頭笑視列  
侯尊。尊酌濁醪焚枯魚。細前於陵園中蔬。再拜殷懃  
上君壽。祝君封內雨隨車。方今大旱萬民哭。聞君盡  
心河內粟。仁聞仁政兩不虛。天必為君降福祿。河內  
從來皇畿南。南山佳氣映蔚藍。君行絃誦樂民樂。穆  
如清風日颯颯。此時回頭憶小人。牛門此地天一垠。  
白雲渺予亦思君。君且盡觴且逡巡。

屈子旭七夕惠詩病未克答值此中秋夜深不

寢聊和其韻

行役集 卷之一 十一  
中庭視月起彷徨。悲歌激烈發衷腸。忽動白雲坐相妒。英英南來裏清光。我有素琴不月彈。高山流水奈辰良。予懷明德耿不寢。迺眷西顧金城傍。城傍朱邸連天起。佳人深坐鬱鬱自傷。昔時貽我五色錦。攬之衣袖三日香。吾欲酬之病未克。霜露草木行摧藏。安得仙人雙黃鵠。攜君並駕白雲鄉。嫦娥蹶然授君樂。餐君且保千秋長。

題猗蘭族畫二首

猗蘭公子工畫蘭。畫成豈與俗人看。一葉一花造化迹。霏拂春風被水石。縑素如聞王者香。藹藹忽升君

子堂

公子至性聞道早。學琴曾傳仲丘操。寤寐珮服思古人。名臺自名嗜轉真。不然安得畫蘭與操蘭。宛然皆出諸指端。

題子寬蒲桃畫子寬奧藩公族食采巖提山

信陵公子素稱豪。躑躅山頭城壘高。城裏春風吹躑躅。置酒椎牛筵山臯。山花恰映衆賓面。公子興酣弄彩毫。應是爲憐春酒色。忽然畫意到蒲桃。

爲鼉玄洲題仇實父畫後

繫馬高樓醉青娥。急管繁絃夜如何。舞袖欲共月婆

名媛集 卷之一  
三  
娑皓齒似學織女歌。知傾金壘瀉天河。于思者誰漁  
陽槌。恐動飛霞驚綺羅。

戲歌與東奧人求書字

東奧之人求吾字。吾字豈堪媚時人。不識羲獻是何  
物。而况顏柳與藏真。草堂花發鶯鳴時。對花聽鶯舉  
酒卮。醉來臥把如椽筆。一揮唐人得意詩。中間一字  
稍可見。吾黨年少爭傳玩。遂使彼輩來逼迫。千方萬  
計苦相干。老子此時沒奈何。疾首蹙頞強掃過。寄語  
吁汝東奧人。持去附之東逝波。

秋日海上作

晚買舴艋海上歸。回頭海色射人衣。縹緲晶熒總堪  
羨。島嶼歷歷映霏微。鏡裡碧空縠紋生。千帆如鳥逐  
雲飛。雲飛弗已風轉急。忽見潮頭散珠璣。雪山崩摧  
九天落。滉漾混茫萬象非。舟子收槳爭上岸。叱謂天  
吳變幻不可幾。天吳喜怒何迺爾。世路嶮巇吁如此。  
總不如歸臥舊廬。菊終日飲醪陶然乎醉而已矣。

農事忙

五月六月映山紅。南村北村少女風。曾苦雨前爭引  
水。便喧旱後忽橫虹。汗邪且省挈壺汲。甌窶猶煩斫  
竹通。總爲在廬身類濤。不緣于役首如蓬。參天保障

是誰力。縑雪繭絲。悉婦功。何識冰紈。當避暑。漢皇近。幸甘泉宮。

雲夢歌爲越君瑞

美人夢乘白雲去。白雲飄揚不知處。滄海如杯崑崙粟。俯視蒼蒼何窮極。顧身儼在帝之傍。玉女曼睩挹仙漿。鈞天縹緲廣樂起。忽有蓬風激清商。吹我誤隨大澤中。洲芷渚蘭杜若叢。揭車留夷足紐裳。九嶷凝黛映沅湘。鴻雁嘹嘹鳴其伍。覺來恍然換君腸。帝鄉之樂蕩君志。開口至今發天香。雲邪夢邪何迺爾。嗚乎大澤之名不可忘。我爲作誦題君堂。

謝墨君徽

海西才子弄弱翰。戲向扇頭試作蘭。墨花墨葉宛可觀。清風清香六月寒。由來書畫無兩般。自詫遙贈老夫看。千里淋漓墨未乾。出入懷抱照心肝。相攜日夜堪盤桓。因憶故人多索處。總道愛我孰若汝。荷汝兩次惠我情。韃帽禦寒扇禦暑。

贈天門上人

天門上人來相別。道將西看芙蓉雪。芙蓉雪色中天立。君迺仰頭不可及。袈裟翩翩過其下。却恨此行不值夏。天風泠泠絕頂來。采藥仙人安在哉。知君沈吟



不忍去。處處題詩只徘徊。過此以往長安道。誰與聽  
鶯踏青草。千里如髮春二月。羨君遠游及未老。

贈墨君徽歌

古墨子悲深絲。今墨子何所悲。家有冰蠶五色繭。繰  
成苦欲補衰冕。越人斷髮竟何往。爲之棄置恒怏怏。  
肆力遂讀書五車。摩頂放踵豈有它。九流往往莫所  
擇。兼愛嗟爾過阿瞿。近築五言長城出。吾學公輸雲  
梯術。九攻九退無間然。斂手逡巡稱爾賢。吁嗟哉今  
墨子真墨子。古今人相去其間不以咫。吁嗟哉古今  
墨子何所悲。吾悲今人徒貴耳。

酬涌谷麟上人見寄

麟公脩道深山裏。俯視山雲涌谷起。空翠縹緲結樓  
臺。時復隨風散錦綺。錦綺片片中宮商。樓臺一一發  
異香。迺知六塵本無礙。何翅空中觀色相。上人因之  
寫爲詩。無心猶似出岫姿。自言山中無所有。聊以贈  
汝知不知。

謝盤山君畫

仙臺公子巧弄毫。曾作錦雞與蒲桃。蒲桃纍纍解人  
醒。錦雞飲啄似欲噪。老夫一見嘆妙詣。何以能中公  
子意。更畫高山松一株。因人千里特相寄。謂是遙欽

君子德使我錯愕失顏色。披緘丹青究蘊藉。掛壁屨顏太落穆。參天不失富貴氣。恍疑置身秦封側。迺知人間雲泥分。居氣養體恆所聞。公子自是賓大國。老夫齷齪非其群。山如不騫松如茂。持此還當爲壽君。

觀張僧繇翠嶂瑤林圖歌

僧繇之畫天下無。迺有翠嶂瑤林圖。吾藩柳子攜相眎。使我三日忘晝舖。一縑巖壑宛然出。千載丹青煥未渝。琳館仙子往往遇。秀骨古色處處殊。曾聞畫方僅八百。中原兵燹不易覓。渺渺蓬壺隔弱水。護持却應六丁役。跋後元明諸名家。書畫賞鑑衆所誇。競將

六法贊其妙。妙處不傳徒咨嗟。憶昔學詩學六朝。六朝清麗猶可肖。祇有一種矜貴色。想見烏衣公子標。開元英邁發露盡。卒使雅道傷輕俊。義獻風流還蘊藉。歐顏以往皆後進。始知文章與書畫。世世一解下一解。所以吾師孔夫子。好古求古死乃已。

送海上人還崎陽歌

雨雨風風三春暮。黃鸝百轉花辭樹。夢寐神飛不可住。焚香坐誦遠游賦。忽想緣山海閣黎。袈裟飄飄去何之。白足由來泥不染。擲杯可以渡渺瀰。下界衆生仰頭看。金策冷冷響雲端。名山大川頃刻過。三千里

程總無難。自道崎陽是我宮。孤島斗懸大海中。濤靜  
 遙見飛鳥影。天外千帆問日東。日東佛法今衰惡。大  
 道七裂如瓜削。昔在阿難傳。侏離什契粗鹵不知學。  
 海師淹貫仲尼籍。旁通九丘與八索。願以左氏司馬  
 文。新譯梵夾婉述作。物子聞之笑相戲。是君家事非  
 吾事。君去大修人天供。天竺高僧倘相逢。為問須彌  
 優曇鉢。其如日東芙蓉峰。

贈于士始

洛陽復見賈生才。今日吳公安在哉。九重宮闕連天  
 起。公子王孫滾滾來。四望青山徒突兀。文章千歲落

塵埃。誰其所使室町氏。坑士焚經何得似。君乃著書  
 欲過秦。知君才調本無倫。西歸君去過湘水。試問何  
 人似楚臣。

予素不知佛法為玄海戲學浮屠語題蕭鳴草  
 後

支那高僧本禪師。道成十年住長崎。長崎紛沓賈販  
 場。唯有曇香往從之。細音如髮諸天語。一室晤言人  
 不知。忽復大音似雷霆。隔海支那諸友聽。何人為傳  
 蕭鳴草。吾受讀之眼頓青。出世能作入世語。字字總  
 生蓮花馨。笑佗禪徒稱別傳。捧榻却受祖師纏。一離

喝

一著無休期。怒眼攘臂夸已賢。何若本公道。既化時  
出綺語應世緣。

崎陽劉生印歌

卯金刀子卯金刀。往昔斬蛇氣何豪。今日漂零無所  
用。鐫印精工名遂高。篆法妙絕薄李斯。蔑視秦家傳  
國璽。千顆萬顆應人求。印刻不與項何爲。惠我一顆  
美若玉。彫刻宛轉如毛錐。我濟十指懸槌似。區區毛  
錐不爲使。不是君家卯金刀。那得自在能若此。君家  
事業竟如何。君乃日日兀兀過。試問文章千秋迹。兩  
京四百孰仲多。

井生侍親西還有悵然之色詩以送之

周南井子侍親旋。到日應逢棠棣翩。豈不爾思室斯  
遠。東方一輪海月懸。君自赤馬關頭望。微茫更隔西  
海烟。父慈子孝家庭樂。明倫館中多英賢。餘力學文  
是君事。目送飛鴻揮五絃。詩成但繫飛鴻足。縱是千  
里却可憐。

贈玄海上人

君今脩道在西山。西山紅樹想正殷。此書到日雲滿  
山。雪山童子母乃君。雲隔東關鐘不聞。但知君讀貝  
多文。

奉觀守山公子菊詩聊成短述併簡子和

公子偏憐楚客餐。開宴終日凭玉欄。珠履玳簪爭爲  
歡。中有楚客知不知。金華先生嫺楚詞。還殊澤畔獨  
醒時。掇英釀酒酒更美。奉卮慇懃上公子。公子千秋  
長不死。君臣相得能如此。熟視靈均難及爾。

余五十節壽富春山人遙惠鐵烟管繫以一律  
聊依其韻作歌謝之

一自羊裘嫌物色。釣竿苔剝色成玄。截爲鐵筴還無  
孔。擲下護園夫子前。夫子吹笙不解笛。偃蹇伏枕只  
吹烟。烟中一點忽熒赫。驚問客星終是僊。卷之一

徂徠集卷之二

物茂卿著

五言律一百二十四首

孤山席上同賦聽彈風入松得吹字

有鼓入松變。按徽下指遲。忽爲流水調。翻作冷風吹。  
縹緲還疑浪。奔騰不信絲。操終歛衽謝。此曲最稱奇。  
大龍香尊者和玄上人詩見示謾次其韻附呈

何嘗說圓通。揆辭識世雄。菩提尊域外。舍那王文中。  
所以禪師筆。不無才子風。善哉龐氏子。及第頌心空。

螢

葉間疑似露。日暮尚依稀。帶雨初懸竹。隨風潛點衣。  
明珠垂水麗。銀燭隔牆微。莫傍玉階月。偏臨長信飛。

白雲臨酒

把苦山中夕。白雲忽自親。映壺疑出岫。繞盞似藏輪。  
誰識帝鄉物。迺憐醉國春。願言留此影。聊以贈同人。

歲初和江若水中秋寄詩

我憶疎狂客。家鄰浪泊臺。絲毫臨月寫。錦札及春來。  
臘酒今應熟。寒梅早或開。但無同調者。白眼許誰陪。

山家閨怨

山中徵玉帛。夫子道輝光。歌管留都下。繁華寄洛陽。  
敢懷猿鶴怨。能憶田園荒。只是鹿門昔。誰裁薜荔裳。

春山欲雨得香字

始訝貪山路。何來到夕陽。看無千嶂色。忽有百花香。  
風捲畫圖失。雲隨杖屨涼。春衣堪自惜。猶未盡羊腸。

夜雨龜山席上得之字

意氣論交地。蕭條把酒時。俱高白雪調。各抱青雲悲。  
撫劍春星暗。剪燈夜雨垂。風塵明日起。聚散敢忘之。

春夜子固席上分韻書字

窻櫺春月暗。爐火夜寒餘。來扣邊生筥。同憐揚子居。

紛綸探得字。寂寞校殘書。罔象知誰是。為君照五車。

淑氣催黃鳥

黃鳥飛何晚。青春是載陽。烟霞來宇宙。草木有輝光。雪已殘幽谷。花當滿帝鄉。東風吹次第。上苑聽笙簧。

觀獵二首

晉鼓順朔吹。虞旗明西曠。負羽為講武。追禽非娛君。七百雉兔往。二千貔貅群。近值罷囿禁。空閭民如雲。紛紛紫貂帽。意氣獵山阿。火迸鼻頭發。矢颺耳畔過。珊瑚麋鹿碎。雪霰羽毛多。賁獲獸宜有。父兄書謂何。

薤崎大士洞

蕊尊石壁鬼神裂。苔龕日月昏。無門忽得豁然出。方知近後村。

幽香抗塵思皎潔。播譽比芬芳。

心賞寧堪獨神交。轉自傷江山殊舉目。持此為相將。

和東壁二首

憶得吳門樂。誰知過爽鳩。豪猶燕市酒。興已剡溪舟。意氣今成夢。詞騷昔上樓。且應餘匹練。夜照斗兼牛。曾聞巧似鳩。應笑拙於鳩。薄宦甘移舍。浮踪疑泊舟。春鶯皆喬木。美竹總高樓。獨我隨槽榼。從人呼馬牛。

全石 畢至王西失地 卷之七 有王曰 卓錫天廻國 家慈 七才子王元 卷之三 名秀山 手 佛 佛

且來集 卷之二 二

紛綸探得字。寂寞按殘書。罔象知誰是。爲君照五車。  
淑氣催黃鳥

黃鳥飛何晚。青春曷載陽。烟霞來宇宙。草木有輝光。  
雪已殘幽谷。花當滿帝鄉。東風吹次第。上苑聽笙簧。

觀獵二首

晉鼓順朔吹。虞旗明西曛。負羽爲講武。追禽非娛君。  
七百雉兔往。三千貔貅群。近值罷囿禁。空閭民如雲。  
紛紛紫貂帽。意氣獵山阿。火迸鼻頭發。矢颺耳畔過。  
珊瑚麋鹿碎。雪霰羽毛多。賁獲獸宜有。父兄書謂何。  
薤崎大士洞

傳云千年寺。香火大悲尊。石壁鬼神裂。苔龕日月昏。  
巖懸迷有路。洞曲訝無門。忽得豁然出。方知近後村。

同賦折梅逢驛使

欲寄北風信。聊攀南國香。抗塵思皎潔。播譽比芬芳。  
心賞寧堪獨。神交轉自傷。江山殊舉目。持此爲相將。

和東壁二首

憶得吳門樂。誰知過爽鳩。豪猶燕市酒。興已剡溪舟。  
意氣今成夢。詞騷昔上樓。且應餘匹練。夜照斗兼牛。  
曾聞巧似鳩。應笑拙於鳩。薄宦甘移舍。浮踪疑泊舟。  
春鶯皆喬木。美竹總高樓。獨我隨槽榼。從人呼馬牛。



實禪師已辭松雲自稱卧隱有詩徵和因奉拙

和

孤雲兼倦鳥。一併箇中還。坐隱寧棋局。卧遊是博山。  
風雷揮塵罷。日月拄頤閒。猶識餘豪氣。樓高不可攀。  
春日集卧念堂

春日芝濱寺。重尋花木幽。詩知齊已屋。卧豈元龍樓。  
梅發憐新趣。酒酣悲舊游。自緣忘爾汝。欲返又聊留。

古廟

管公儒雅士。千歲事堪嗟。誰請佞臣首。獨傳說劍家。  
忠寬尤霹靂。誠感唯梅花。遺廟褒崇地。徘徊白日斜。

覺玄上人游興用球客韻見示聊和

道高遊戲在海寺。沉登臨。雙樹袂風冷。禪心印月深。  
為傳中竺語。時効遠夷吟。杳渺流沙路。知君定裏尋。  
聞笛得知字

征客山陽笛。秋來日暮悲。胡兒城下淚。夜向月明垂。  
春早繁華地。人歡駘蕩時。誰將搖落意。吹使玉梅知。  
奉和琴鶴君侯咏雪瑤韻

華堂且賞雪。盛宴況城隅。珂散三千客。花明十二衢。  
陪筵誰授簡。映履欲疑珠。何識長安市。有人醉當壚。  
獨不見

夫君輕遠別。獨不見盧家。玳瑁雙梁燕。芙蓉並蒂花。紅顏非易保。白日豈難斜。所以莫愁樂。勝如陰麗華。

採蓮曲

江南採蓮女。竝棹下江灣。花美解誰語。水清照我顏。粧臨明鏡裏。香度綵雲間。惆悵無歡覓。高歌月出還。

風月樓新落同賦分韻開字

似是迎風榭。還疑待月臺。應持雙美去。合作一樓來。可以歌明矣。何妨賦快哉。知從今日始。高會幾回開。

舟中曉望

乘夜凌層浪。黑風勢壯哉。看愁山影失。坐喜日華開。

金湧千尋底。綺分百道來。東望雲似物。應是近蓬萊。

皇鳴朝陽

伊鳳所翱翔。朱鳥昭皇瑞。碧梧垂帝章。

初日羽毛光。賀世今宜爾。一鳴聆激揚。

中秋前一日忘憂館小集分韻前字

茅堂聊小集。參半素商天。人愛風烟爽。詩驚追琢圓。應從真討外。忽似暗投前。持此誇明月。中秋可占先。

馬

驄馬誰人騎。五陵美少年。曲鉤步逐水。直道馳如弦。紛映黃金勒。裊垂白玉鞭。自憐上林暮。意氣獵秋天。

十月九日自采芝中

夫君輕遠別。獨不見盧家。玳瑁雙梁燕。芙蓉並蒂花。紅顏非易保。白日豈難斜。所以莫愁樂。勝如陰麗華。

採蓮曲

江南採蓮女。竝棹下江灣。花美解誰語。水清照我顏。粧臨明鏡裏。香度綵雲間。惆悵無歡覓。高歌月出還。

風月樓新落同賦分韻開字

似是迎風榭。還疑待月臺。應持雙美去。合作一樓來。可以歌明矣。何妨賦快哉。知從今日始。高會幾回開。

舟中曉望

乘夜凌層浪。黑風勢壯哉。看愁山影失。坐喜日華開。

金湧千尋底。綺分百道來。東望雲似物。應是近蓬萊。

同賦鳳皇鳴朝陽

東方君子國。伊鳳所翱翔。朱鳥昭皇瑞。碧梧垂帝章。朝陽瀛海色。初日羽毛光。賀世今宜爾。一鳴聆激揚。

中秋前一日忘憂館小集分韻前字

茅堂聊小集。參半素商天。人愛風烟爽。詩驚追琢圓。應從冥討外。忽似暗投前。持此誇明月。中秋可占先。

馬

驄馬誰人騎。五陵美少年。曲鉤步逐水。直道馳如弦。紛映黃金勒。裊垂白玉鞭。自憐上林暮。意氣獵秋天。

暮秋山行

青壑聽猿度。白雲立馬看。蕭蕭皆落木。歷歷幾晴巒。  
九月征衣薄。千山秋日寒。鄉心何廓落。鳥道自艱難。

出塞

悲歌方罷宴。揮手玉門分。常惠今教字。燕然昔勒文。  
聊將刀筆吏。敢從貔貅軍。暗想燕領者。封侯自有勲。

遊寺

雲徑迷初地。蘿磴豁絕岑。莓苔知客少。猿鳥覺山深。  
竹映雨花色。松傳空谷音。不因逢僧話。早已洗塵襟。

晚行

返照如呼我。曳筇寧有情。林間遙聽笛。牛背巧飛聲。  
緩步誰知意。相逢不問名。且隨山月上。同浴澗流清。

郊興

負杖課童僕。秋深負郭居。迎霜憐素菊。過雨惜紅渠。  
城市跡纔隔。田園興不踈。故人應近訪。莫使醅甕虛。

巫山高

巫山高幾許。上有襄王臺。古木參差出。清猿日夜哀。  
一篇傳恍惚。千載極低回。尚識行雲雨。時聞環佩來。

蟬

羨君涼籟吐。苦此暑埃侵。三伏轉消渴。一蟬忽喝吟。

楚臺風自快。漢苑日方沉。應飽金莖露。寧知司馬心。

道士水亭

丹竈迴浮水。赤欄橫俯流。遙呼垂釣坐。不月隔門酬。  
一鶴驚飛映。千篁深掩幽。玉顏童子侍。恍疑徐福舟。

武陵泛舟

云是武陵地。桃花兩岸林。冀逢黃髮宿。行訪白雲深。  
灼灼霞成綺。萋萋山自陰。停舟猿叫斷。寂寞古人心。

過故人莊

偶從郊外路。一過故人家。款客逢秋熟。論心忘日斜。  
山肴無海味。村飯有胡麻。更是陶翁趣。東籬旋看花。

寄某上人

一鉢是生計。三衣唯路資。報恩甘棄母。求道苦尋師。  
寒雨湖雁斷。夕陽秋草衰。結趺何所處。思子使人悲。

寄舊游

悵然思往事。歲月似東流。詩酒青樓宴。管絃白社舟。  
凋殘今幾在。恍忽昔曾游。已矣壯心盡。與君共白頭。

早寒有懷

搖落江山暮。客衣早覺寒。蒹葭連水北。鴻雁叫雲端。  
料識閨中夢。當爲馬上看。何由尋錦字。鄉國路漫漫。

擬秋宵寓直

禁廷饒樂事。不覺中宵過。瓊樹秋偏麗。金莖露轉多。  
罷筵歸曉月。應製仰明河。已駭早朝者。隔垣鳴玉珂。

山居秋暝

獨坐空山曲。西風桂樹秋。千峰開返照。一葉舞寒流。  
鳥雀喧樵徑。猿猴挈釣舟。慣玩秋月好。出戶且遲留。

登城樓

步登百雉上。俯眺九霄間。碧抱蓬瀛海。青環表裏山。  
羶蟻晨市聚。豆馬暮城還。最看芙蓉色。西南白雪閑。

題驛樓

驛樓臨大道。垂柳拂欄涼。疲馬嘶長日。卸鞍繫短牆。

野花橫髻巧。村釀壓糟香。小女當壚笑。解言勸我郎。

征馬嘶用高達夫韻

征馬且千里。行人殊未休。蕭蕭嘶落日。寂寂動清秋。  
南雁懷吾土。朔風吹爾愁。雖非大行坂。到處共回頭。

題書齋

書架五車富。花瓶十月春。外梅無長物。中酒有同人。  
偃蹇終年暮。文章白日新。童烏應識字。玄草不須親。

夜宴友人莊

日落花逾白。興餘筵又張。釣池魚躍鏡。洗竹月窺堂。  
險韻燭剪早。繁絃曲度長。爲緣投轄愛。歸路遠能忘。

擣衣

三秋風落木。萬戶月明砧。非為佳人怨。既然行子心。  
征衣今日薄。寒氣昔年深。空向邊庭老。不聞鄉里音。

村夜

小澗經霖漲。獨梁認電行。歌舂連里動。績燭射窓明。  
過店羨茶馥。踞門待月生。偶逢老農話。嘉爾古人情。

泛舟有女樂在諸舫

簫歌飄島渚。詩酒在樓船。轉棹滄洲外。揚觴明月前。  
水連雲不盡。岸澗地將偏。忽載青蛾過。何來牛女天。

聞笛

博陸侯霍光平津侯  
公孫弘  
軍府平。有烟。一。零。字。

丁。八。大。三。笛。來。此。客。中。堂。急。節。傷。神。短。曼。聲。引。怨。長。  
一。灘。寞。折。柳。轉。淒。涼。繚。繞。留。餘。響。前。山。斂。夕。陽。

塢

生其东门内。傳云。一。曲。城。也。  
一。曲。城。也。即。今。門。外。之。曲。城。是。也。

不。盡。文。言。是。名。還。高。莫。月。暉。巢。由。千。載。後。微。子。與。誰。歸。  
以。瀨。江。風。吹。客。衣。山。寒。飛。鳥。疾。岸。澗。渡。人。稀。

中。峯。殊。突。兀。聞。有。古。禪。關。寧。信。殘。僧。在。只。看。飛。鳥。還。  
稽。倉。啣。日。立。縹。緲。出。雲。閑。疑。是。諸。天。色。結。為。下。界。山。

叢篠

坐。疑。白。日。沈。對。此。翠。篁。林。水。映。森。森。淨。風。吹。葉。葉。深。

行役集 卷之二  
擣衣

三秋風落木。萬戶月明砧。非爲佳人怨。旣然行子心。  
征衣今日薄。寒氣昔年深。空向邊庭老。不聞鄉里音。

村夜

小澗經霖漲。獨梁認電行。歌舂連里動。績燭射窓明。  
過店羨茶馥。踞門待月生。偶逢老農話。嘉爾古人情。

泛舟有女樂在諸舫

簫歌飄島渚。詩酒在樓船。轉棹滄洲外。揚觴明月前。  
水連雲不盡。岸澗地將偏。忽載青蛾過。何來牛女天。

聞笛

何人吹玉笛。來此客中堂。急節傷神短。曼聲引怨長。  
落梅殊寂寞。折柳轉淒涼。繚繞留餘響。前山斂夕陽。

七里灘

晚泊嚴陵瀨。江風吹客衣。山寒飛鳥疾。岸澗渡人稀。  
不盡客星色。還高漢月暉。巢由千載後。微子與誰歸。

雲際中峯

中峯殊突兀。聞有古禪關。寧信殘僧在。只看飛鳥還。  
稽倉啣日立。縹緲出雲閑。疑是諸天色。結爲下界山。

叢篠

坐疑白日沈。對此翠篁林。水映森森淨。風吹葉葉深。



歲寒皆有節。賴萬總無心。為待鳳凰宿。曾栽數畝陰。  
尋某山人居

欲訪秦人隱。桃源且繫舟。村村隄岸似。處處洞門幽。  
曾識數竿竹。還沿幾里流。果然鷄犬迓。桑柘水窮頭。

採蓮曲

又被採蓮伴。相牽過幾灘。妙歌人自好。袿服俗相看。  
獨記去時劍。徒聞別後冠。芙蓉花酷似。何處覓儂歡。

經故道士觀

相傳尸解去。知是玉皇臣。昔駕緱山鶴。今遊閬苑春。  
榻留伏火鼎。壁掛禮星巾。舊觀皆零落。寥寥學道人。

行舟值早霧

五月九日故道至七通流

不見兩重天。將謂雲埋路。忽知霧擁川。

指將才顯薄淮探水辨洄沿。看已日華動。前山色未鮮。

題禪院

衣濕翠微色。屐穿蒼蘆香。千山遶處路。一鳥飛邊房。  
茶飯自何得。利名來此忘。悵然徒倚久。看已沒斜陽。

送某明府之任

聖世微官樂。何須惱別魂。栽花應滿縣。行藥或過村。  
千嶺對廳壁。一舟到郭門。相思倘乘興。看子飽君恩。

擬禁中送山人

行行集 卷之二 九  
歲寒皆有節。賴萬總無心。爲待鳳凰宿。曾栽數畝陰。

### 尋某山人居

欲訪秦人隱。桃源且繫舟。村村隄岸似。處處洞門幽。  
曾識數竿竹。還沿幾里流。果然鷄犬迓。桑柘水窮頭。

### 採蓮曲

又被採蓮伴。相牽過幾灘。妙歌人自好。絃服俗相看。  
獨記去時劍。徒聞別後冠。芙蓉花酷似。何處覓儂歡。

### 經故道士觀

相傳尸解去。知是玉皇臣。昔駕緱山鶴。今遊閬苑春。  
榻留伏火鼎。壁掛禮星巾。舊觀皆零落。寥寥學道人。

### 行舟值早霧

何來雙岸烟。不見兩重天。將謂雲埋路。忽知霧擁川。  
搖將水聽瀼瀼。探水辨洄沿。看已日華動。前山色未鮮。

### 題禪院

衣濕翠微色。屐穿蒼蘆香。千山遶處路。一鳥飛邊房。  
茶飯自何得。利名來此忘。悵然徒倚久。看已沒斜陽。

### 送某明府之任

聖世微官樂。何須惱別魂。栽花應滿縣。行藥或過村。  
千嶺對廳壁。一舟到郭門。相思倘乘興。看子飽君恩。

### 擬禁中送山人

又看陶隱居。玄武掛冠還。請邑便尋樂。賜金可買山。  
留詩青鎖上。來表白雲間。臨別丹無吝。爲吾駐醉顏。

擬中書寓直

紫薇花照省。遭遇聖朝難。才子皆懷璧。侍臣總握蘭。  
陪筵知帝德。草詔奉皇歡。爲在鳳池上。聯行鴈與鸞。

江上田家

門巷隨江曲。田家籬落稀。岸低洗耕具。雨霽晒漁衣。  
小犢負薪飲。扁舟刈麥歸。兒童沙上戲。鷗狎不高飛。

故城秋望

故國千年後。眺臨在宦游。草埋殘郭沒。江齧頽垣流。

山色銜斜日。潮聲動暮秋。無窮懷古恨。併作客心愁。

出城門

胡馬紛荒服。戎裝辭帝鄉。西風吹渭水。落日照城牆。  
供張傾都士。慇懃同舍郎。不須揮別淚。自古漢兵強。

秋夜友人宅對酒

悉是悲秋意。相看倦宦情。非關歌管促。已覺酒盃輕。  
千里人懷土。三更月滿城。不堪搖落夜。共聽雁鴻聲。

秋日野望

曠原聊矚目。秋思黯難收。故國識喬木。夕陽帶斷流。  
草肥芻牧少。城遠鹿麋游。平楚眇無極。一望何限憂。

閑居

山園村落僻。門對澗流清。窓竹因風動。逕苔先雨生。  
釣魚乘月黑。採藥喜秋晴。何妨吟朋少。元來遠郡城。

秋日寓直擬作

洞門深自邃。獨坐掖垣清。咫尺天猶遠。三十官未成。  
芙蓉御溝色。鴻雁鄉園聲。拄笏西山爽。惆悵若爲情。

古別離

憶昔東門別。青青楊柳枝。郎歸何日至。妾意有誰知。  
白雪忽盈地。紅顏自照池。人間能幾歲。死別勝生離。

野居池上看月

誰引野泉響。穿苔作小塘。山遙多水色。地曠足天光。  
忽見臨明月。猶疑浸夕陽。似無朝莫別。殊覺歲時長。

洛陽早秋

宮闕似生愁。帝京是倦游。涼河臺側畔。織月殿當頭。  
短笛秋來夜。長歌人在樓。奈何鄉國思。大火向西流。

阻雨

長江烟雨暗。客棹滯孤城。繫纜過三日。掛帆更幾程。  
波濤滿地濶。雲霧漫天生。咫尺金山在。徒聞奇絕名。

採蓮曲

高唱採蓮曲。採蓮應有心。花花朝日麗。葉葉暮雲深。

桂棹長洲外。蘭舟短嶼陰。誰人遺玉佩。何處落珠簪。

可興園池鶴

昔從瀛海至。今尚羽毛存。高潔豈縻爵。縉梁已飽恩。青雲縣圃遠。翠竹夾池繁。風唳却秦日。寧須乘衛軒。

送客臨邊

客邊鄰異俗。何啻恨離家。魂斷天南雁。目窮漠北沙。非無龍磧月。自有燕脂花。日暮胡笳沸。羶逾擁虜車。

感秋林

歲月看忽改。庭園境非殊。老樹西風冷。疎林晚照孤。霜寒驚宿鳥。葉落見巢烏。何限人生恨。將無榮與枯。

晚宿江戍

浮槎隨落日。荒戍倚中流。欲結一宵夢。來栖千里秋。江聲聽似咽。山色看成愁。伏枕終搖蕩。出波月沒洲。

客舍秋懷

徒看風物改。誰解客心悲。日日北人至。年年芳草衰。雁飛元有信。猿叫自無時。問我終何意。欲言開口遲。

某宅會別

把臂是餞宴。林亭迴晴空。賦詩悲在沒。攬鏡嘆窮通。花竹聊堪賞。杯盤暫此同。慇懃休辭醉。明日各飄蓬。

早行

壯心凌曉發。客路不知悲。爲抱烟霞癖。忽忘筋力衰。  
雲巒微白際。海日欲紅時。立馬千尋阪。悠然悞往期。

同賦王孫游分韻

王孫去不返。桂樹山之幽。猿狖偏悲夜。登臨總慘秋。  
如何春草色。一自楚臣愁。歲歲芳洲上。至今苦遠游。

和蕃

琵琶行路難。漣酪北風寒。寧保紅顏好。已憐翠黛殘。  
單于應久待。道路悉相看。婁敬獻長策。唯謀朔漠安。

秋日某廳池上咏石

石峙一拳秀。池開半畝清。無磷存古質。不轉異凡情。

出沒知漣動。玲瓏映月生。鬱林應載至。久飽陸公名。

湘妃怨

蒼梧荒服地。二女從王游。自古湘妃怨。至今芳杜洲。  
楚山疑九似。瘴溪競千流。遺廟知何在。鷓鴣日暮愁。

從軍行

妻兒送出城。慟哭一吞聲。自是居人意。寧知壯士情。  
國威千隊肅。將畧九邊明。腰劍秋霜色。抽身已籍兵。

暮雨送人

陌頭楊柳垂。相送雨昏時。寂寂去人遠。濛濛匹馬遲。  
江聲鐘易濕。浦色草應滋。寧問明朝後。吾心已亂絲。

友人枉書稱日暮無車馬不赴以書告

一諾期沽酒。三朝已掃門。青雲咫尺遠。白日須臾昏。盍秉照花燭。何妨泛月尊。且當勞屐齒。却說折車轅。

送落第東歸擬作

君家滄海上。雲物近三山。皆看化鯤去。獨來倦鳥還。嘯傲高世外。詩卷落人間。明日東風起。無心叩帝關。

秋雁

聯翩鴻雁影。日暮過江干。正值楚楓落。遙知燕雪寒。乍聽揮淚易。欲問繫書難。湖月送何限。洞庭早已瀾。

宿禪房聞梵

疑此域中地。緣何界外心。忽然風籟動。定是雨花深。飄去一輪小。和來萬木吟。老僧正趺坐。靜學梵天音。

池大帥席上

竹樹澹秋色。高齋款客開。滄洲何髣髴。書畫足徘徊。今已以文會。後當爲興來。還嫌金谷酒。或苦獻之才。砥礪尊者新年作次韻

調刁起東風。諸天竟孰功。日華香海外。春色梵宮中。世值昇平運。路疑安養通。琅琅開士偈。却似說圓融。

宿江店

鸚鵡洲前水。蒹葭秋後花。寒雲回客棹。落日宿漁家。

樹小漢流濶。村稀江路斜。何心南國雁。聯翅下晴沙。  
夜到漁家

日落江隄里。燈光動竹扉。魚蝦新酒熟。蓑笠小舟歸。  
水濶鷗應狎。竹深客自稀。三閭君莫怪。已製芰荷衣。  
邊上送故人

壯哉三尺劍。去矣一書生。北雪迷岐路。南雲渺驛程。  
今朝辭王塞。何日到金城。聞說漢班超。建勳戍已營。

小集烟字

深語鐘過午。沈吟雨欲煙。世情高枕盡。狂氣把盃偏。  
鏗爾時投瑟。斐然各作篇。俱言酬我志。豈必世人憐。

王孫游

王孫遊不返。悵望復斯辰。蘿密終無徑。風吹若有人。  
誰同明月夕。想結白雲鄰。草色青何限。萋萋度幾春。

和覺玄上人韻

何必列仙儔。高真與淨流。不煩避暑飲。且借乘風游。  
狂許淵明社。爽過弘景樓。醉聽松籟起。清梵破冥幽。

次雨世達咏龍韻

靈物潛伏時。吾識善變化。獰性自難馴。煥質誰能駕。  
看且游雷發。遂從勺水謝。珍藏領下珠。莫向人間借。

小集得前字



何若無人境。牛門小築偏。市朝如隔世。詩酒且終年。  
或爲從游樂。時增泉石妍。迺知丘裴輩。不讓輞川前。  
又得賒字

山供終落實。林鳥漸喧嘩。主無冬蓄菜。家有春摘茶。  
催笛竹先籟。引盃天已霞。愧孤來訪意。詩酒兩俱賒。  
初夏幽莊分韻幽字

垂楊絲漸老。尚可繫驂騑。下榻迎風至。啣盃聽水流。  
鳴禽看變夏。脩竹已藏秋。散髮道然笑。吾莊事事幽。  
同前分韻花字

桃李春風日。誰知蔣子家。近開新竹徑。偶駐故人車。

楚味林垂菓。幽芳菜著花。雖無供張美。聊醉卧晴沙。

林卧

夏木千章好。況逢三伏天。披襟風葉底。高枕露枝前。  
深映綠尊色。斜窺纖月妍。似惹南柯夢。此心已恍然。  
琴鶴丹旆和。予林卧詩併以靈楓記見寄再依  
前韻聊述其事奉呈

聞有靈楓樹。蕭疎且夏天。綠搖山堞下。涼滿郡樓前。  
因愛風聲美。應懷霜色妍。綵毫堪隱映。誦畢亦蒼然。  
中秋翌日同人集偕覽古琴經分韻知字

闕里遺音在。千年吾黨知。流傳天或厄。過合道無疑。

遇

明月中秋夜。幽蘭君子詩。賞心猶可及。願共理朱絲。  
留春館小集同賦寒江把釣

羊裘凌練色。乘醉下中流。不盡剡溪興。留為茗雪游。  
鉤疑柳葉月。雪似蘆花秋。始信玄真輩。四時未識愁。

奉和琴鶴君戾雪中瑤韻

知君仙府雪。賞此逡巡春。錯落埋山屐。繽紛集岸巾。  
東風千玉亂。夜月萬花新。但是朱門裏。能容乘興人。

次韻雨德允奇童

弱臂揮椽筆。屹如萬仞山。熟看氣骨勁。遙想風神閒。  
學縱父兄得。才非季孟間。古言三虎子。必有豹文斑。

次韻伯錫贈韓客詩

西來書記客。輸爾更翩翩。詞翰風生處。聲華日出邊。  
祇教二陸似。何必三韓傳。藉甚南朝士。最看大謝賢。

次韻仲錫贈韓客詩

館中君最少。援筆問仙槎。二謝聲名亞。三韓道路賒。  
西山晴後雪。東海日邊霞。掩映多奇句。轉堪異域誇。

代人贈韓客

翩翩書記哉。遙傍使槎來。蹈海還雄志。抽毫自大才。  
南雲流滌翰。西日映銜盃。傾蓋乾坤外。相看便可哀。

又

叱馭漢臣節。乘槎轉渺然。映雲簪筆矗。指日錦帆懸。  
東望應無地。西歸若上天。壯游知有助。書記更翩翩。  
城北集得卮字

芙蓉城北府。鬪發日南時。不有維摩室。將無齊已詩。  
吟心忙自得。酒力寒相持。擊節塵中趣。何妨侑一卮。  
又分得徒字

冥搜恣象外。勝集卽城隅。浩笑喧盈屋。高吟誇獲珠。  
誰知戚里地。忽著高陽徒。意氣相看暮。黃塵滿九衢。  
謝諸君見訪

自古一安道。方今幾子猷。孰非乘興至。總是爲詩留。

栽竹供君愛。彈琴破我愁。況看天欲雪。牛渚有扁舟。

春初去八佳集也 子五月十日八夜初集已言自三月  
后訪屋乃紀若分人字

春日城東路。聽鶯訪道人。曇華還卽色。忍草不侵塵。  
汝法同支遁。吾徒總伯倫。已憐般若趣。何妨膾紅鱗。  
二月廿一日草堂小集分韻今春都下大火風  
沙竟旬人皆騷然文事久廢

春來恒擾甚。誰料會群賢。萬事風塵後。一尊水竹前。  
人堪乘雪夜。笛更落梅天。有興晴逾好。柳絲可繫船。  
是日諸子集西臺侯邸而予病不能往因憶前  
日分天字詩不成偶作補債併寓戀戀

叱馭漢臣節。乘槎轉渺然。映雲簪筆矗。指日錦帆懸。  
東望應無地。西歸若上天。壯游知有助。書記更翩翩。

城北集得卮字

芙蓉城北府。鬻發日南時。不有維摩室。將無齊已詩。  
吟心忙自得。酒力寒相持。擊節塵中趣。何妨侑一卮。

又分得徒字

冥搜恣象外。勝集卽城隅。浩笑喧盈屋。高吟誇獲珠。  
誰知戚里地。忽著高陽徒。意氣相看暮。黃塵滿九衢。

謝諸君見訪

自古一安道。方今幾子猷。孰非乘興至。總是爲詩留。

栽竹供君愛。彈琴破我愁。況看天欲雪。牛渚有扁舟。

同游聞成練若分人字

春日城東路。聽鶯訪道人。曇華還卽色。忍草不侵塵。  
汝法同支遁。吾徒總伯倫。已憐般若趣。何妨膾紅鱗。

二月廿一日草堂小集分韻今春都下大火風

沙竟旬人皆騷然文事久廢

春來恇擾甚。誰料會群賢。萬事風塵後。一尊水竹前。  
人堪乘雪夜。笛更落梅天。有興晴逾好。柳絲可繫船。  
是日諸子集西臺。侯邸而予病不能往。因憶前  
日分天字詩不成。偶作補債。併寓戀戀。

臺上笙鏞起。頌歌公子賢。倚蘭流古曲。叢桂映新篇。病肺秋逾劇。賦心老更憐。豈無飛動念。夜夜夢鈞天。

同飲次公舍

城裏諸侯府。周南才子筵。饌肴饒遠味。書畫出名篇。白雪歌相和。朱門春可憐。使無嚴夜柝。乘月欲留連。

觀潮

八月秋濤大。廣陵壯觀哉。勢疑吞地盡。色似湯天來。百萬雷聲合。須臾龍界開。何人珠徑寸。拾得此中回。

五言排律一十首

東壁席上限韻

錢起題玉山村中又得作  
右品馬果排律  
晉葛洪為歛鍾丹字交趾出  
朱砂末方句湯令  
通古太白登臺  
蓬萊白蓮  
五言流州日流臺  
玉山形如臺  
△王侯句品不物字仙者  
得良筵苦易窮。乾坤懸榻外。人世把杯中。談生揮麈風。心同皎白日。眉對恍青空。屐寧無冒雨驄。莫嫌來往數。思子在鳴鴻。再同原韻奉寄

買屋訪洲上。寧愁吾道窮。釣舟通郭外。酒肆近城中。緜籍每深夜。聽篁偏愛風。不緣賓客滿。恒恐壘壘空。長者多埋轍。故人皆駕驄。誰知縻祿隱。更有羨冥鴻。東野見訪座上。用錢起韻

世波何浩蕩。宦路自浮沈。藥裹歲將晏。酒杯日且深。悵然青嶂色。倚此翠篁陰。消渴同司馬。支離違尚禽。

名  
臺上笙鏞起。頌歌公子賢。倚蘭流古曲。叢桂映新篇。  
病肺秋逾劇。賦心老更憐。豈無飛動念。夜夜夢鈞天。

同飲次公舍

城裏諸侯府。周南才子筵。饌肴饒遠味。書畫出名篇。  
白雪歌相和。朱門春可憐。使無嚴夜柝。乘月欲留連。

觀潮

八月秋濤大。廣陵壯觀哉。勢疑吞地盡。色似盪天來。  
百萬雷聲合。須臾龍界開。何人珠徑寸。拾得此中回。

五言排律一十首

東壁席上限韻

嘉會諒難得。良筵苦易窮。乾坤懸榻外。人世把杯中。  
詩就探珠色。談生揮麈風。心同皎白日。眉對恍青空。  
賴有衝泥屐。寧無冒雨驄。莫嫌來往數。思子在鳴鴻。

歸後再同原韻奉寄

買屋諉洲上。寧愁吾道窮。釣舟通郭外。酒肆近城中。  
繙籍每深夜。聽篁偏愛風。不緣賓客滿。恒恐壺罍空。  
長者多埋轍。故人皆駕驄。誰知縻祿隱。更有羨冥鴻。

東野見訪座上用錢起韻

世波何浩蕩。宦路自浮沈。藥裹歲將晏。酒杯日且深。  
悵然青嶂色。倚此翠篁陰。消渴同司馬。支離違尚禽。

晴雲開岫樹。爽氣滿丘林。時有問奇客。知吾祿隱心。

邊城落日

朔方戎馬地。杖策意何窮。徒步長城外。遙看斜照中。  
陰山銜落日。大漠起悲風。嚴角聲連塞。歸禽影滅空。  
域絕崦嵫逼。河高星宿通。功名驚白首。慷慨爲誰雄。

贈學僊者用王績韻

瀛海波濤濶。蓬萊道路賒。釋裘被草木。却粒餐烟霞。  
夜宿羽民宅。朝遊毛女家。神仙洵美矣。流俗詎能邪。  
秋去三珠樹。春來五朶花。逢人空自說。句漏有丹砂。  
同賦明月生海上

碧連潮頭細。金浮波際生。三壺望忽奪。一鏡吐還清。  
出彼天衢遠。接斯折木橫。白毫百道射。驪頰千尋驚。  
焦石想應湧。扶桑似欲明。婆娑影方悟。冉冉近南榮。  
冬日遊同齋先生別業善樂者神景豐祐卓二

師來集

大醫栽藥地。窈窕接名藍。爲奏鈞天樂。忽飛錦字緘。  
翠簫傳籟潔。紅樹染霜酣。笛有胡僧弄。酒從楚客耽。  
行杯臨敞砌。擣藻映晴嵐。總覺離塵網。僊居近佛龕。  
賦得振衣千仞岡  
忽脫樊籠役。涉斯千仞丘。屏車隨石徑。洗耳鑿寒流。

名初集 卷之二  
垢濁長相謝。塵氛安可留。饑當餐沆瀣。死不事王侯。  
逝矣鳳鳴處。杳哉鸞嘯儔。飄飄振衣立。抗志隘神州。

春色滿皇州

佳麗關中地。韶光况媚人。繁雲低殿閣。迥雪對城闈。  
花早上林樹。風柔少海淪。雙珂辭博陸。連騎散平津。  
天酒家家醉。春衣處處新。青樓十二陌。無日不紅塵。

同賦春色徧皇州

葱鬱神京望。乘時識帝功。青陽萬國首。紫靄大寰東。  
罩闕和烟麗。映街織雨濃。朝回雲母輦。班散日華宮。  
已有紆組客。豈無奏賦雄。春衣過杜曲。夜酒宿新豐。

甲第森臨水。名花燁照空。南山如著色。上苑亦含風。  
暇豫六龍駕。從容五馬駘。總憐佳色動。藹藹滿關中。

徂徠集卷之二



